

Iroun Beretitenti Dieter F. Uchtdorf

Te Kauoman ni Kauntira n te Moan Beretitentii



Maiun Ana Reirei

Tenibwi te ririki n nako i Ghana, ataein te reirei ae te kairake ae arana Doe ai tibwa ana moan tai n rinnako n ana autinibootaki te LDS. E kaoaki Doe iroun raraona bwa e na nako ma ngaia, ao Doe e kan ataia bwa aekakira te Ekaretia.

Aomata ikekei a rang akoi ao n tangira ao akea te bwai ae e kona ma bon tii te mimi, "Te aekaki n aro tera te aro ae?"

Doe e rang namakina te kukurei ngaia are e a baireia bwa e na reiakina riki taekan te Ekaretia ao ana aomata, ake a kaonaki n te kukurei ae bat. Ma n te tai are e a waaki nako iai neienne, ana utu ao raraona nako a tabe ni kaitara n taabo nako ake e kaitibo iai. A taekini bwaai aika aki raraoi ibukin te Ekaretia ao a karaoi bwaai ni kabane ake a kona n totokoa neienne.

Ma Doe e a tia ni karekea ana koaua.

Iai ana onimaki, ao e tangira te euangkerio, are e kaonaki iai maiuna n te kukurei. Ai ngaia are, e a bwabetitoaki.

Imwiin anne, e a kabanea ana tai ni kamatebwai ao n tataro. E aki mamamatam ao e ukoukora ana wirikiriki te Tamnei ae Raoiroi inanon maiuna. N tokina, ana koaua Doe ao ana onimaki e a matoatoa man nene. N tokina e baireia bwa e na nako ni mitinare n te tai ae bwanin ibukin te Uea.

Imwiin okina man ana mition, e kaitibo ao e iein ma te mitinare ae tia ni bwanin ana tai —bon teuare e bwabetitoia n ririki ake mai imwaina—ao a kabaeaki imwiina n te Tembora i Johannesburg Aberika Maiaki.

Imwiin ririki aika a mwaiti ngke e moan rinanon te kukurei Doe Kaku n ana euangkerio Iesu Kristo. N te tai anne, e rang nanakoraoi maiun iai neiei. E a tia n teimatoa n tibwa uruakin nanona ao bwaran nanona, ibukin buan natina aika uoman—rawawata are e rinanona e teimatoa n namakina rawawatana inanona.

Ma neiei ma buuna, Anthony, a kataia ni kakorakoraia i bon irouia ao ni kaniia nakon Tamaia are i Karawa, are a tangiria ma nanoia ni kabane.

N te bong aei, 30 te ririki imwiin bwabetitoan neiei, Titita Kaku e a tia ni manga kabanea ana mition ae bwanin taina—n te tai aei irarikin kainnabana, are e a beretitenti i Nigeria.

Naake a kina Titita Kaku a taekinna bwa iai te bwai ae onoti iroun neiei. E ota moana. E kaangaanga ae ko na kabanea am tai ma ngaia n aki namakina te kukurei.

E matoa ana koaua: "I ataia bwa te Tia Kamaiu e noorai bwa Natina ao raraona (tara Motiae 5:7; Ita 3:14)," e taku. "Ao I reiakinna ao ni kataia ni kakorakorai n riki bwa raraona naba—tiaki ti n te bwai ae I taekinna ma n te bwai naba ae I karaopia."

Ngaira bon Ana Reirei

Ana karaki Titita Kaku bon aekakin naba aia karaki tabeman aika mwaiti. Iai nanona ni kan ataa te koaua, e rinanon bwaai ni kabane ni karekea otan tamneina, e kaota ana tangira ibukin te Atua ao raoraona, ao inanon kawaina ngke e rinanon te kaangaanga ao te rawawata.

Ma e ngae ngke e rinanon kakaitara, n rinanon rawawata, e waaki nako ma te onimaki. Ao ae bon kakaawaki, e kawakina kukureina. Neiei e kunea te kawai tiaki ti n teima-toa inanon te kaangaanga n te maiu ma ni kona ni kaitarai!

Ana rongorongo neiei bon titebo ma are iroum ao irou.

E burenbwai mwanangara ae namoraoi n akea te kaangaanga.

Ti uaia ni karekea te maraki n nano, te bwarannano, ao te rawawata.

Ti kona naba n namakina te bwarannano n taai ake ti taonaki iai.

Ma naake a maiuakina maiuia ana reirei—ake a teimatoa ni kakaonimaki ao ni waaki nako ma te onimaki, ake a onimakina te Atua ao ni kawakin Ana tua;¹ ake a maiuakina te euangkerio n te bong koraki ao aoa nako; ake a beku n ai aron Kristo nakoia kaain rarikiia, teuana te mwakuri ae tamaroa n te taina—bon aia mwakuri aika uarereke a riki bwa bwaai aika bubura ni karika te bitaki.

Irouia naake a akoi teutana, kakabwarabure riki, ao ni kona n nanoanga bon taan nanoanga ake a na nanoangaaki.² Naake a katamaroa riki te aonaaba aei, teuana te nabenabe ao te mwakuri n akoi n te taina, ao ni kataia ni kakabwaiaki, karaunano, ni maiuakina maiuia ana reirei Iesu Kristo ae rau bon naake a na kunea te kukurei n tokin te tai.

A na ataia bwa “bon ana tangira te Atua, are tibwati-bwaia nako nanoia natin te aomata n taabo nako . . . bon ngaia te bwai ae moamoa tangirana nakon tangiran bwaai ni kabane ao moan baan te kakukurei nakon te tamnei.”³

BWAII AIKA A NA TARAAKI

1. Tara Motiaeaa 4:6

2. Taraa Mataio 5; 7.

3. 1 Nibwaai 11:22-23

REIREI MAN TE RONGORONGO AEI

Beretitenti Uchtdorf e reireiniira bwa kawai n riki bwa ana reirei e bon kaangaanga ma naake a maiuakina te “mai n rau are maiuia ana reirei Iesu Kristo bon naake a na kunea te kukurei n tokin te tai.” Ngkai e karakina rongorongan Doe Beretitenti Uchtdorf ni kaotia bwa e kanga ana reirei Kristo ae koaua ni kunea te rau ao te kimwareirei n aki tabe ma kaangaanga n te maiu, ko na bae ni iangoa n tibwaua rongorongan

oin maium bwa ko na kanga n rineia n iriira Kristo ao E kanga ni kakorakorako. Ngkana ko kairaki iroun te Tamnei, tibwauaan rongorongo aika onoti e kona ni kakorakoraiia naake ko reireiniia.

KAIRAKE

Kukurei n riki bwa ana reirei Iesu Kristo

Ea tia n nakobuaka am bong? Tera ae ko karaoa ni katamaroa am bong? Beretitenti Uchtdorf e ataia bwa “ti bane n iai marakin uruakin nanora, rawawata-ra, raraomara. Ti bon kona naba n namakina te bwarannano n taai ake ti taonaki iai.

Katokan aei iroum bon maiuakinan are e aranna bwa “te maiu n riki bwa ana reirei”: “teimatoa ni kakaonimaki ao teimatoa ni waaki nako inanon te onimaki.” Ngkana ti waaki nako inanon te onimaki, ti na kona n onimakina te Atua, kawakin Ana tua, ao ni beku ibukiia tabeman—ao n namakina te kukurei inanona ni kaba-ne! Ngke e taekinna Beretitenti Uchtdorf, “Naake a maiuakina maiuia ana reirei . . . bon naake aia mwakuri aika uarereke a kona ni karika te bitaki ae bubura.”

Iangoa karaoran rinan ni kawai ake ko kona ni maiuakina iai maiun ana reirei. Te katooto, ko kona ni korea te iango ibukin te mwakuri ni ibuobuoki n aron “Buokiiia am karo ni katauraoa te katairiki” ke te iango ni kawakina ana tua n aron “Tataro ibukin te taotaonakinnano irouia tariu ma mwaneu.” Te tai are I namakina iai te un ke te kua, kaotinakoa am rinan, rinea te iango teuana, ao kataia!

ATAEI

Taai ni kukurei ao n nanokawaki

Tabeua boong a kerikaaki riki aia tai ni kakukurei. Ao anne e bon nakoraoi. Iesu e kona ni buokiko n rinanona.

Korea tamnein te ubu ae bwaanokunoku. E na kanga lesu ni buokiko ngkana ko nanokawaki? Ngkai korea tamnein te ubu ae moangare. E na kanga lesu ni buokiko bwa ko na kukurei?



Maiuakina te Maiu ae Tabu

Tataromwaaka ni kamatebwiaia te bwai n reirei aei ao n ukoria bwa ko aonga n ataia bwa tera ae ko na tibuaia. E kanga ataakin ana botoniang te bootaki n aine ni katauraoia natin te Atua aine ibukin kakabwaia n te maiu ae akea tokina?

Ni katabua ke ni kaokoroa ke n anga te bwai teuana ni katabua, n anga nakon kantaninga aika uaana man tabu,” e taku Unimwaane D. Todd Christofferson man te Kooram n Abotoro n te Tengaun ma Uoman. “Te tokanikai ni koaua n te maiu aei e roko man katabuan maiura—are, ara tai ao ara rinerine—nakon ana kantaninga te Atua.”¹

Unimwaane Neal A. Maxwell (1926–2004) man te Kooram n Abotoro n te Tengaun ma Uoman e taku, “Ti riai ni iangoa ti te kan angabwai ngkana e tuangira te Atua, bwa ti na anga ara bwai. Ma te kabanea n angabwai ae moan te bubura bon te anga ngaiira nakon te Atua.”²

Ngkai ti katabui maiura nakon ana kantininga te Atua, ara onimaki iroun Iesu Kristo ao n Ana mwakuri ni kamaiu a na rikirake. Ngkai ti maiuakina te maiu ae tabu, ti na kona ni kamimitongaki rinanon mwakuri akanne.,

Carole M. Stephens, te Moan Kauntira n te Beretitentii n te Bootaki n Aine, e taku: “Unimwane Robert D. Hales e reirei, ‘Ngkana ti karaoi ao ni kawakin berita, ti a otinako man te aonaaba ao n rin inanon uean te Atua.’

“Ti a bitaki. Ti taraa ni bitaki, ao ara mwakuri a bitaki. Bwaai ake ti ongoraeakin ao ni wareki ao n taekini a bitaki, ao bwaai ake ti bwaini a bitaki ibukina bwa ti riki bwa natin te Atua aika aine are a kabaeaki nakoina ni berita aika a tabu.”³

Maiuakinan ae tabu bon te berita ae tabu are e karaopia te Atua “ma autin Iteraera; Imwiin boong akekei, e taku te Uea, N na karina au tua inanoia, ao N na koreia inanoia; ao N na riki bwa Atuaia, ao ngaiia ana riki bwa au aomata” (Ieremia 31:33). Maiuakinan te maiu ae tabu bon te maiu ae bootau ma ana baire te Atua ibukira.

Onimaki, Utu, Buoka

Rakan riki Booki aika Tabu

1 Thessalonians 1:3;
Doctrine ao Covenants 105:5;
reliefsociety.lds.org

BWAAI AIKA A NA TARAAKI

1. D. Todd Christofferson, “Reflections on a Consecrated Life,” *Riaona*, Nobembwa 2010, 16.
2. Neal A. Maxwell, “Consecrate Thy Performance,” *Liahona*, Turai 2002, 39.
3. Carole M. Stephens, “Wide Awake to Our Duties,” *Liahona*, Nobembwa. 2012, 115–16.

Iangoa Aio

E na kanga katabuan maiura nakon te Uea ni buokiira n riki n ai Arona?